

**IN LAUDEM LEGIS
QUAE VULGO
DICITUR LO
STATUTO CARMEN
ANTONII RIEPII**

Antonio Rieppi



Celebrabuntque sollemnitatem ejus .. legitimam
sempiternum erit in generationibus vestris.
MOSES, in Lev. cap. XXIII v. 41

Laetitiae voces resonent et carmina laudis (1),
Ausonidumque animi sancto fervore calescant.
Alma dies fulget, coelo rutilatque sereuo,
Quam patres nostri in mediis conatibus aegri,
Et longo gemifu, et longo cupiere labore.
Festivis reboent nostra haec sollemnia dictis:
Calliope cithara et fidibus modulamina promat.
O sancti vates, summum quos Numen adurget,
Percellitque suae divinae flamine mentis,
Hanc celebrate diem psalmis, hanc carmine laeto.

(1) Hos versus hexametros legebam in magno conventu civium apud Syraeunos, quum hi, calendis juniis (Curatoribus Municipi) in deus festi adlaborantibus, et auspice praeclarissimo Viro, qui praese ferens specimen omnium virtutum praestet Syraeusanae provinciae), celebrarent insigni apparatu solennem diem, quae memorat, memorabatque aequata Italorum jura et maxima decora Patriae, et nonnulli egregii poetae, celebresque oratores canerent et dissederent de praestanti illius diei, de italicisque rebus

Ut pactum Insubrum olim, quo Pontida nitescit,
 Urbes ausonias concordi foedere junxit,
 Accivique Italos mira in certamina Martis:
 Terrifici sic quum Domini furialibus iris
 Ausonia infando fato devota maneret,
 Augustae urbis Taurini inter moenia celsa
 Pacta fides fuit, inviolabile sacramentum
 Ausonidum. Sanxit communia pacta Sabaudus
 Rex, legemque dedit sanctam, quae jura tneri
 Ausonidum, et posset gentem frenare superbam.
 Quis referat nunc quae fuerint miracula legis,
 Quae miseris dedit auxilium, patriacque levamen?
 Quis libertatis ausus, quis facta stupenda,
 Per quae Itali demum fregere tyrannidis arina,
 Et septem divulsa fuere atrae capita hydrae?

Italia egregiae prolis conspersa cruore,
 Quae persaepe suis cecidit jugulata tyrannis,
 Fletibus et longo gemitu concussa dolentum,
 Et saepe accensa et monita acri carmine vatum,
 Adversus diros dominos exarsit in iras.
 Iam Mediolanum miro certamine fulget:
 Italiae vindex Rex Carolus agmina duxit
 Contra hostes, qui tunc longi post temporis orbem,
 Vexatos timuere Italos, coecoque timore
 Fugere abrepti. Tunc mens nisi laeva fuisset,
 Ausonia infensos hostes pellebat et alma
 Libertas fulero firmo connixa stetisset.
 Ast italum robur, quod factis fulserat altis
 Imminui coepit vario in discrimine rerum.
 Inde rota incerta torquens fortuna favores
 Obstitit inceptis: redierunt pristina fata.

Nos quaedam vis tartarea in mala prisca remisit,
 Quae damno ingenti decem mansere per annos.
 Sed fletum Ausoniae et gemitus miseralus acerbos
 Magnanimus rex Emmanuel, felicibus ausis
 Augustae matris constanter iura tuetur:
 Iam lassis tandem redit in praecordia virtus,
 Conde humiles demum optatam retulere salutem
 Nec sane occubuit letho Satirua tellus,
 Quae genuit Decios, Marios, magnosque Camillos,
 Sed vivit, servatque viros virtute potentes.
 Fausta dies fulsit, cum concrepuere Palestri
 Arma, tubae, lituique cientes Martis agonem.
 Iam veluti in praedam compulsus ardore leones,
 Ansonii magna vi conjiciuntur in hostes:
 Abrumpunt acies, prosterunt agmina densa,
 Et tandem virtus italorum firma revixit.
 Cum sociis armis Gallorum signa sabauda
 Insubrum in campis binos retulere triumphos.
 Tunc primum Ausoniae vexilla per aethera late
 Enitescere, atque exultans Insubria tota
 Adfuit Ausonio regi redimita coronis.
 Et sicut generosa olim Titania pubes
 Indignas manicas et vincula fregit averni,
 Et claustris fractis lucem aspexere diei:
 Sic urbes italiae abjiciunt monumenta doloris,
 Infandumque jugum: sic Thuscia vincula solvit,
 Italique colit regem resonantibus hymnis:
 Felsina sic surgit, simul et Ferraria et ambae
 Lugubres odio forti rupere catenas.
 Sic armis Mutina ut semper praeclara virisque
 Illico servitii prosternit signa vetusti.

Tunc Umbri, Marsi, Samnites, Ronubidaeque
 Omnesque Ausoni almae libertatis amore
 Incaluerunt: quasi e somno Saturnia tellus
 Tota excussa fuit: mens una eademque voluntas
 Campanis, Osciisque fuit, Calabrisque, parique
 Accensa exarsit flamma Sicania tota.
 Tunc juvenum alma cohors, forti ductore iubente,
 Tyrrheni pelagi celeri navi acquora pulsans
 Trinacriae appulit ora. Statim insonuit Lilybaeum
 Incundo frenitu: Siculi vexilla salutant,
 Insignemque ducem lactanti corde sequuntur
 Iam Garibaldus dux, forti comitante cohorte
 Excurrit, veluti turbo phantasmata noctis
 Dissolvens, nubesque nigras, quo clarior alto
 Lucifer exurgat coelo, funditque catervas
 Regis inhumani obstantes, victorque Panormum
 Contendit. Tota excutitur veluti acta superno
 Impulsu, extollitque pia arma excelsa Panormus.
 Exoritur clamor: cives glomerantur in unum,
 Millenumque globo juvenum sociantur et acri
 Pugnae vesanas turbas frogere tyranni.
 Libertate data Siculis cito maximus heros,
 Fulmineam ducons iterum ad majora cohortem,
 Transiit Seyllae fluctus et claustra Pelori.
 Iam Calabris adstat, jam ocyssime Bruttia tellus
 Decertat, decorisque instaurat facta vetusti.
 Vix Calabri excussero jugum perstrepuus heros
 Accelerat gressum pugnans, semperque triumphans
 Parthenopen versus. Fervore agitata superno
 Arma fremit generosa urbs, accedente phalange
 Victrici: ovasit magno livore perosus

Rex cum conducta vilique cohorte suorum,
Formidans populi irati furialia tela.
Nec minus interea accenderunt classica pugnas
Inter Picenos avidos sua jura tuendi
Atque Umbros: hostes et ibi certamine victi
Demum cessere et monumenta tyrannidis atrae
Propter virtutem Ausonidum collisa ruerunt.
A monte aetnaeo usque ad ruptas gurgite ripas
Benaci, unde fuit tranquillo Mincius amnis,
Victores fuerant Itali, et pepulere tyrannos.
Ausonidae tandem psallunt celebrantque triumphum,
Et gaudent longum patriae cessasse dolorem.
Augustam Taurinorum venire frequentes
Tunc oratores Patriae, sanctusque senatus.
Confirmata fuit lex, quae fuit ara salutis:
Foedera prisca novis pactis solidata fuere,
Per quae gens tota Ausonidum consistere in unum
Debebat servans eadem moderamina regni.
Exinde et tellus Venetum, tellusque Quiritum
Debebant duci Ausonidum in consortia regni.
Sed labor asper erat saevum turbare tyrannum,
Qui Venetos flagris, lorisque premebat acerbis,
Magnae et molis erat romanam condero gentem.
Sed nil mente quatit solida, fortesque moratur,
Quin sua perficere assiduo conamine curret
Proposita: hinc tandem praedam Austria dira relinquit.
Adriaci hinc regina maris funebria signa
Servitii longi abjecit, mensaeque sororum
Urbium adest, sertisque caput redimita recumbit.
Sed quamvis fusos versaret Parca benignos,
Causa manebat adhuc luctus saevique doloris.

Romulidum eximia urbs flētu lugebat acerbo,
 Non secus ac si illam vexaret Numinis ira,
 Eumenidumque esset diro devota furori.
 Hei mihi ! tristitia facies, vultusque rige-
 bat, Saucium erat pectus, lethali vulnere fractum ;
 Incomptisque comis, fusco circumdata amictu,
 Artis compedibus, lorisque revincta ululabat.
 Sed quamvis patiens ferret longi exitia aevi,
 Non tot devicta aerumnis, nec fracta labore
 Aeterna urbs praestans et majestate verenda
 Durabat. Longi potuere aevi invida tela
 Regnam plagis diris cruciare vetustam,
 Hostes infensi potuerunt frangere sceptrâ
 Illius, atque tropaea auferre, auferre coronas :
 Sed non fecere abjectam, vel dedecore atram.
 Talis visa fuit mihi Roma gravata ruinis,
 Ut quondam infelix Niobe, quum afflicta doleret
 Decernens prolem lethali caede crucntam.
 Romulea urbs pariter perspexit strage inadentem
 Lucundam sobolem, et sortes cecidisse Quirites,
 Antiquum decus amissum, sanctumque Senatum ;
 Vidit humi ingentes aedes, Capitolia strata,
 Praeclarique fori avulsas ruptasque columnas,
 Signaque marmorea, et gravium simulacra Quiritum
 Inter serpentes hederas collapsa manere,
 Et magnas moles, clari monumenta laboris,
 Porticibusque ornata palatia celsa Neronum,
 Barbarico excisa incursu, rabieque Gothorum.
 Sed miseram non tam veteres, tristesque ruinae
 Vexabant, quam Pontificum ambitiosa potestas,
 Qua obstringebatur pedicis, nodisque retortis.

Ausonii fortes miserantes fata parentis
Sunt semel et bis connixi perrumpere vincla :
Sed semel atque iterum frustra cessere labores.
Attamen adversis rerum immersabilis undis
Pacta fides mansit, nec fessi caede cruenta
Cessabant Itali a coeptis, semperque manebat
Defixa in votis, animisque urbs alma Quiritum ;
Et si non possent lenire deos, Acheronta
Flexissent, caput ausonium ut urbs Roma rediret.
Pacta fides, atque inviolabile sacramentum
Ausonidum sortis ludo haud delentur iniquae.
Tandem devicit virtus, constantia vicit.
Qui nobis Romam lymphata mente negabat
Devictus cecidit : pleno romana favore
Gaudia perficiunt Superi: successibus urgent
Successus: lapsas res post mala longa reponunt.
En caput Ausoniae post fata urbs Roma resurgit.
Iam regina redit, quae longa attrita ruina,
Pontificumque jugo misere dejecta gemebat.
Quae Dantes odiis iraque oppressus acerbi
Exilii optavit, cecinitque poemate sancto,
Pontificum acriter aggrediens terrestria regna,
Iam perfecta vides : adstat praeincta corollis
Libertas, rerumque novus jam nascitur ordo.
O salvo, egregia Urbs, quam portendere Sybillae
Aeternam, et numquam interituram oracula Phoebi
Dixerunt : nec nos sapiens cortina fefellit.
Magnanimum aspice, Roma virum, qui foedera sacra,
Qui italicae legem gentis, qui pacta statuta
Servavit, semperque tuetur : conspice Regem ,
Qui tibi persolvit manicas, fregitque catenas.

Fulget in incessu majestas, fulget in ore
Et verbis : dextram Regis venerare potentis,
Qui tibi restituit sceptrum, atque insignia regni.
Ipse Tibi trabeas reparat, rursusque curulem
Largitur sellam, majestatemque latinam

O Itali, haec sit sancta dies, semperque colatur,
Quae memorat foedus, quo Roma genusque latinum
Reflorent, gensque Ausonidum servata quiescit.



